

雜記第八

岐山縣志卷八

邑志終雜記者所以拾遺訂誤也凡條目繁瑣不必附贅七篇之內者皆收雜記中而別以紀事詩文爲次焉

紀事二十六條

漢法真字高卿郿縣人博通今古嘗隱居青峯山結廬獨處順帝聞之屢徵不起友人郭正稱之曰名可得聞身不可得見逃名而名我隨避名而名我追可謂百世之師矣

高士傳

雲房舊志云鍾離權漢之咸陽人嘗遊周公廟書雲房二字於碑額點畫神異人多稱之

南北朝鄭脩北海人少隱于南山凡谷中依巘結宇屏跡人事
不交世俗耕食水飲皮冠草服雅好經史專意元門前後州將
每徵不至岐州刺史魏蘭根頻遣使致命修暫出見尋還山舍

魏書
本傳

後周武帝時有強練者岐山人佯狂號曰強練家宰晉國公宇文護未敗之日強練執一瓠到其門前撲破之云瓠破憐你子
苦護被殺護之諸子皆楚毒而卒時臯公侯龍思兄弟被冢宰
寵遇燠灼當時強練度其門思妻姬等遣婢呼入爲設飲食察
其言語練謂思等云與我作婢衆姬大笑練又云作婢會不免

他人將去安能勝我未幾冢宰誅思兄弟亦同被戮

廣古今五行記

唐高祖將封東嶽華山道士李播淳風父也遣劉仁軌問播播

曰待問泰山府君遂令呼之良久府君至拜謁甚恭播曰唐皇

帝欲封禪如何對曰合封其後帝遂封禪

海碑

太宗時李淳風奏北斗七星當化爲人明日至西京市飲酒帝

使人候之有胡僧七人入自金光門至西京酒肆飲酒使者宣

勅七人笑曰此必淳風小兒言也忽不見

國史異纂

許棲巖岐陽人

唐太宗時析岐山置岐陽

舉進士習業於昊天觀時帝臯鎮

蜀巖將爲入蜀之計欲市一馬自入西京訪之有蕃人牽一馬

瘦削而價不高因市歸汨登蜀棧棲巖與馬俱墜崖下積葉承之幸無所損尋其崖下見一洞穴行而乘之約十餘里忽及平地花木秀異池沼澄徹有一道士臥于石上二玉女侍之巖間云是太乙真君巖卽以行止白君曰爾好道乎曰讀莊老黃庭而已命坐酌小盃以飲之曰此石髓也嵇康不能得爾得之矣居半月思家求還太乙以所乘馬送之謂曰此馬吾洞中龍也子有仙骨故得值之到人間放之渭曲勿復留之旣別逡巡已達號縣問鄉人年代已六十年出洞時二玉女託買號縣田婆針乃市之繫馬鞍上放之化龍而去棲巖幼在鄉里已見田至

此惟田婆容狀如舊亦仙人也棲巖大中末年復入太白山去

奇傳

石佛像唐天后避暑九成欲輦過岐山石險峻開鑿甚艱后怒殺工甚衆有二比丘杖錫來白胡不煨以火油醋淬之試輒驗知爲異人追及獻沒入土中惟笠覆其處錫卓其傍掘之得二石佛像因建寺山下遇旱禱雨多應有人暗昇一尊出關東不

返今山上猶有笠錫蹟

舊志

元武石像在周公廟後山上白石似玉雕鏤古雋殆非人工相

傳昔年雷雨大作自山中湧出真奇觀也

舊志

崛山耆閣寺在西崛山上舊志唐乾寧四年建相傳西域高僧
鳩摩羅什譯經之地明嘉靖二十年重修教諭楊一瑞有記又
云山多石穴勢若列戟鳥道詰曲松檜青蔥爲邑中東北勝境

舊志

元毛冲蜀人原任普潤縣尹後謝政隱于周公廟談詩論禮不
求聞達隣邑諸向道者多與之遊居幾十年還籍

舊志

李妙成岐山人古澹清淨每懷方外之志元時築靜明菴於汧

陽縣東服氣煉神年踰大耋童顏不衰晨昏有鶴周旋其室人

皆異焉莫知所終後人名其結菴處爲悟仙莊

舊志

實相寺在縣城西南里許元至元四年建舊志宋人有梅雪晨鐘之咏又云土人稱昔有鐘不扣自鳴一日大雷雨飛去四川

閬中江內亦奇矣哉

按舊志此說荒唐不知何據

資福寺

一名符太史庵

在縣西南十里元至元十六年建舊志庵多古

松栢老幹迎風虬枝溜雨庵後山壁土洞烟雲時出其中橫亘松巔如帶爲一邑巨觀

倉頡墓按路史禪通紀史皇氏倉帝居陽武塋利鄉疑在壽光者爲是舊志所云或因廟之故址而訛傳也

皂角陵在縣東南十里舊志云朝代未詳今亦無考

通濟渠在縣東三十里成化間叅政謝公督鑿沃田甚廣民利

之今廢

舊志

通潤渠舊志載其名今亦無考

麟川鳳川虎溪舊志未詳所在省志云三水皆無考疑漆岐二水自麟遊來爲麟川斜谷水自鳳縣來爲鳳川也虎溪無考

後周公廟在鳳鳴山後三十里亦有泉曰仰天池

舊志

張三丰明永樂間會生員張恪于周公廟朝陽洞蔽衣垢面恪不敬禮炊飯大雪無菜丰須臾自外持青菜至云自成都取來恪甚怪之出視雪中無足跡始知爲仙將別去乃告恪曰吾元

元子張三丰也問所欲恪曰讀書苦無記性耳丰乃吹恪耳連
囑曰令汝聰明自是恪讀書過目不忘後舉永樂甲午解元舊志
逍遙遊康熙丙戌仲冬周公廟西齋鑄大鍋因並鑄施貲者題
名鐵碑及成碑額有逍遙遊三字

魚洞在斜谷關內三十里峭壁石穴瀑布出焉不知其脉通何
處每歲穀雨後則魚出出時先有小魚來往游戲謂之試水俄
而玉腮吹浪銀甲射目先小後大旣美且多一歲一次餘日絕
無古稱丙穴其此類耶

醫之可紀者丁象極青化里庠生精醫術尤精於醫痘凡小兒

患痘者多賴有象極或經他醫謂不生者象極至每有以生之
衆醫莫測也人酬以金則不受曰吾非以醫求利者有活人心
耳郡太守嘗表其門象極卒其家多習其業者故邑人稱曰丁
氏醫

災祥周文王時鳳凰鳴於岐山○幽王三年

史記作二年

岐山崩○

東漢安帝元光二年岐州地大震岐山有聲○魏孝昌元年春

星隕于岐如雨夏五月雨雹傷禾○唐高宗永徽五年岐山大

水渭河決流衝地數百畝○代宗大歷十三年七月天鼓鳴於

岐山○宣宗大中元年十一月十七日岐山縣周公廟靈泉出

節度使崔珙上其事賜名潤德泉○僖宗廣明元年正月鳳翔等處地震岐山復崩節度使鄭畋上其事○晉天福二年鳳翔節度使李繼曠遣使獻白兔二云得于岐陽舊縣○宋仁宗皇祐五年三月岐山大旱無禾○嘉祐五年春岐山旱甚歲饑鳳翔知府陳希亮發粟賑之六年大熟○恭宗德祐二年星隕如雨潤德泉涸○元世祖十七年潤德泉復湧水如故○武宗大德十一年地震岐山崩○仁宗皇慶四年有五色鳥巢于周公廟白楊樹上守臣普顏帖木兒奏聞○順帝元統二十七年天鼓鳴是歲李思齊部將李克彝據岐山○至正二年潤德泉涸

二十四年秋九月潤德泉復出河南太守孔克任有記○明成
化十一年潤德泉涸二十二年大饑斗米萬錢死亡載道○宏
治十五年九月十五日風雷交作潤德泉復出馬廷用康海俱
有記○正德二年大旱民皆流移十四年潤德泉久涸復湧出
○嘉靖七年大旱斗米千錢人相食三十二年大旱民饑流移
殆盡三十四年地大震公署房舍皆傾倒民多壓死○萬歷十
三年至十五年大旱斗米千錢民多逃移饑死十六年大熟潤
德泉涸十七年大熟○天啟四年潤德泉復出○崇正十一年
潤德泉又涸十二年天鳴有火光蝗傷秋禾十三年至十四年

大饑斗麥千錢死者枕籍又大疫十五年渭河清半月東至郡
縣界西至寶雞陽平鎮

國朝順治六年九月二十七日潤德泉復湧出十一年六月初
九日地大震復微震者近月十二年四月初四日大雪殺禾○
康熙五十四年五月二十一日地震○潤德泉自順治六年出
後不知又涸於何時至乾隆二年有小水出四年十一月二十
四日地震五年九月大風終夜潤德泉水洋溢泉北有龍口水
亦復通十年九月二十八日霜降十月初五日雷電風雨半月
無霜十三年潤德泉又涸龍口水亦涸十六年七月初七日雨

山山集
卷之八
雹傷秋禾殆盡十七年四月二十九日卯時有火光自西而東
大旱百日十九年潤德泉復出二十一年九月三十日霜降是
夕暴雨雷電二十九年正月初一日日月合璧三十三年潤德
泉復涸

舊志列八景多所附會今于可紀者分見地理篇中不別標八

景之目而仍存其名曰鳳鳴朝陽周邸治泉五丈秋風太白晴

雪

按太白屬郿縣不應載入岐志于
那棟舊志又載磻溪風月俱無謂

資福烟霞龍尾春波嶠山

名利實相晨鐘又周邸八景曰丹穴鳳跡

謂有瓜跡
其說荒唐枯栢復生

杪櫨遠蔭

今杪櫨樹已為
風折其根尚存

雲房仙書樂山名畫

樂山元人姚安
之號畫在廟壁

或又謂吳道子筆皆無據

白楊鳥集元武王像碑鏡清塋

廟前有元至正時碑

詩三十五首

周公岐山操狄戎侵兮土地遷移邦邑適於岐山烝民丕變兮
誰者知嗟嗟奈何兮予命遭斯

唐韓愈岐山操我家於豳自我先公伊我承緒敢有不同今狄
之人將土我疆民爲我戰誰使死傷彼岐有咀我往獨處爾莫
余追無思我悲

又岐下詩誰爲我有耳不聞鳳凰鳴竭來岐山下日暮邊鴻驚
丹穴五色羽其鳴爲鳳凰昔周有盛德此鳥鳴高岡和聲隨祥

風旂宛相飄揚聞者亦何事但知時俗康自從公旦死千載閔
其光吾君尙勤理遲爾亦來翔

譚用之寄岐山林逢吉明府岐山高與隴山連製錦無私日晏
眠鸚鵡語中分百里鳳凰聲裡過三年秦無舊俗雲烟媚周有
遺風父老賢莫役生靈種楊柳一枝枝折灞橋邊

明唐龍岐山詩古道黃雲裏荒城落日前巖林遺魯殿吠畝變
秦川滴滴梧桐雨離離禾黍天鳳凰今不至忽復幾千年

康海出周公廟觀望終南山已出周公廟忽望南山巔南山崎
嶇天下無終日紛緼凌紫煙日夕愈覺氣象好千峯萬壑爭妖

妍稍西乃見太白雪嶠嶸峍峴峒尤孤絕半山橫出霞彩明一路
平連翠華揭山下看山山始佳那看清渭東南折水氣蒼茫薄
近林烟光蕩漾接層岑鳥飛驚度知何極古往今來空自深我
愛太白山因逢太白叟短髮垂垂披兩肩杖頭笑指駱谷口人
生不得常朱顏車塵馬足胡爲走君不見建章栢梁惟土邛斜
風細雨令人愁又不見赤松黃石餐霞去至今猶向山中住山
中歲月不惱人碧草蒼溪日日春欲煉還丹謝人世無如此處
問迷津

又周公廟古楸行岐山西北周公殿廻山揖岫紛如靛殿前古